

叙

志記也邑之有志猶
國之有史所以彰往
昭來也顧肇造之邑

豐順縣志

序

百事待舉司牧者多
未遑及是匪略之也
城垣學宮倉署祠壇
營制諸工作皆計日



程功愆期會不中式
度者必麗於罰雖故
本腹內地而規模草
創民未稔化向之頑

黠趨廢者山深林阻
獷悍萌孽比向之未靖
其懦輒者又或畏蕙
太過聞隸呵卒導之

聲輒口咭神喪因知
所措此時欲為鷹鷂
之逐為和甘之化斟
酌調劑大不易之曲

謹者殫精敝神猶虞
叢脞邑志固未遑輯
強幹者才足以濟矣
而或學謝三長義例

未明折衷鮮當志二
不可得而輯也寢迄
寢久日失其實後即
有作者年遠事湮茫

無足據抄撮蒼萃雖
不遺餘力而缺略舛
訛終貽指摘蓋文獻
之無徵久矣未嘗不

為始事者惜之潮有
屬邑豐順本海陽之
豐政都也去海治二
百里前明時為盜賊

萃剽數軋隆三年
制府鄂 巡邊察其
地窠阻為久遠慮
清於

朝折海陽揭陽大埔嘉
應一州三縣地以建
縣禹航葛侯以名進士

奉

簡命分葭棗粵孔隆八
年冬莅豐至徑甫下車
觀風問俗慨然以邑

建維新民風
故樸田
歲雨熟
山可蔣
峯可
種婦女
勤操作
採薪
織蕉日
足自給
俗固

可大治
向維僻
畬山
藪礦徒
私集多
梗化
然我而
赤子之
彼自
父母我
也惟是
邑必

有志而書缺有間前
人既未遑作
侯承前人諸工作未
竣

大府羽檄替趨日
集於究心鉛槧而
不可得越二年政
通人和百務次第
具舉

大府廉其才調任新
寧

侯懼無以昭宣

德意用貽將來備邑

文獻之傳也乃亟求

海陽揭陽大埔嘉應

舊志及所在傳記詳

求採訪毫聯縷緝彙

互考訂創為邑志凡
五閱月而後捐贊以
付剞劂

侯誠可謂心乎民者

矣瓜代有期雖故操
刀實等代庖偶尔蹉
跬輒可却責為異人
任

侯獨念茲不釋勒為
成書上以備

盛世九丘一隅而後
之繼今者可按籍以

稽其土風習俗奏因
地制宜績而閱時
增修徵文考獻印於
是守在則

侯甸昭々垂遠矣

時

乾隆十一年歲次丙

寅六月



賜進士及第內閣學士

兼禮部侍郎在籍

守制鄰治年春同

學第莊有茶垣之旨

拜禩并書



豐順縣志

序

序

志也者識也識大識小存遺蹟以昭
方來是以君子不窺牖而明天道不
出戶而指川原不降席而理民物治
忽攸稽顯晦攸屬故甚重也豐順舊
隸海陽距邑治遠且險乾隆三年

豐順縣志

序

總制鄂公巡覽形勢

奏立縣治立割嘉應揭陽大埔版宇之
近者以益之既免鞭長莫及之虞更
絕蹠梁走險之慮制洵善哉獨是繡
壤新分規撫草創守斯土者不獲經
度才安在勝任愉快而餘杭

葛君適以名進士莅官興造修置無非
手所落成蠲益措施無非民所利便
且即乘簿書之暇定犬牙而徵文獻
凡山谿險易賦役簡繁制作日創暨
諸土物民風種々羅集彙為一書值
予奉


命視學嶺南就索予言以為弁予觀及
人物志所云寧詳毋畧寧核毋濫而
歎 葛君得修志之遺者矣昔江淹
有言修史之難莫難于志誠以風雲
月露藻績無用記其華不如記其實
也弔詭矜奇乖畸不經傳其疑不如

傳其信也是編之所纂固不必詳駁宿
陳新裁至涌以自翊乎博雅而能于
群乘分載之中鳩僞粹精芟蕪冗
證其會則事辨綜其變則世覈切而
不夸要而有體豈猶不足以佐

國家右文之盛而為採風者端賴乎然

予更有進焉思昔董安于之治晉陽
也矢隱之廡銅隱之柱 葛君方管
締造之殷而即汲于于是編也殆欲
儲為是邑之銅矢也歟則僅目為昭
文獻也猶淺之乎視 葛君也樂而
為之序

乾隆丙寅秋七月嶺南督學使者
夏之蓉題于羊城院署



豐順縣志

序

四



豐順縣志序

郡邑之志史之遺
悉也史之經春秋
之變也春秋比事
屬初其體廢其旨

豐順縣志

序

一

溯一字之中廢貶
字焉太史公作史
記變春秋之法為
年表為月表為八
書為本紀為列傳

紀春秋之經也而
一代之規模具焉
此創筆也孟堅以
下諸人無能出其
範圍者誠以繼之

者易創之者難也
志之筆史筆也而
其用則史之根柢
也周禮太史氏採
民風而登諸天府

凡廣谷大川之異
剝剛柔燥濕之異
宜男女穀糗之異
何皆按攷國籍調
劑損益以勅貫典

身肆於時夏至於
志則一州一邑之
經領具焉自建置
沿革以及人物草
木禽獸无不畢該

得守土者得以考
藏書為家治忽貫
所闕者巨矣

世宗憲皇帝拓修天下通

志實周禮採風問

似恣也我

皇上深仁翔洽為海淪

肌列敷國貢度地

居民三年冬

特允前制憲鄂公之

誘以海陽之藝政
僻處象山明時宵
小竊叢隆慶初設
通判治崇正時又
增置豐順營

奉節定鼎于潘田設
巡檢一員駐劄但
此地崇山峻嶺
員不足資彈壓而
海陽又緞長莫及

因准於海陽揭陽
大埔嘉應四州孫
之申設豐順一縣
令一尉一城垣署
廟營汎壇壝憲如

成制五年之間邑
令兩更田疇戶役
草創經營於邑志
未遑焉八年癸亥
葛君曙來令茲邑

至之日咨訪民俗
考定禮儀設險防
匪無或不為民已
彼之狂歌孔達矣
越二年以邑之有

志文獻所繫實為
出治之本固不可
一日無而邑係新
設志須創始與致
成書而剛定纂修

者難易迥殊惟葛
君古學史才蘊積
有素且銳志力行
乃取郡邑各志及
軼見於他說凡屬

提素之內者蒐羅
殘簡採輯舊聞訂
魚魯之訛正亥豕
之辨玄疑存信勒
成一書亦其屬類

次其更輟別山川
之險要考人物之
捷生稽諸古蹟辨
其風土一搜閱而
晰若執火劫曰為

天下者為之於堂
上此物此志也民
四閱月稿成囑序
於予竊思余恭承
寵命親察三郡易俗

夙有志未逮而
上憲殷々求治屬
理彌深予承乏茲
土冀得与良有司
鼓舞振作以振厚

意而曷君蒞任未
久即能洞察治本
以志為敷政之原
毅結身任其存心
於政事民瘼者可

勝道哉余覽志豐
巖邑也其地險阻
其民朴質有程學
之芳規有節義詩
文之碩考其流風

餘韻是以廉頑而
立懦至于墮賦役
而慎維科崇典禮
以正風俗庀財用
謹閔梁塵氛被家

福異凡樽節愛養
以臻於王道之隆
者起于是書採其
而高後之君子居
是邦國是錦張弛

損益之宜講讓型
仁之道由絃自生
而

於途亦得牧良吏化
民成俗之效其為

功且與史等予
樂為一言以告
蘇土者

皆

乾隆十一年歲次

丙寅季春上浣嶺
東使者襄平楊國
棟撰



豐順縣志自序

豐順縣治舊隸海陽名豐政都
明季幾為盜藪我

朝定鼎里人吳少師六竒乘時效順
倡義立功潢池之衆漸以底定
百年以來涵濡沐浴於

聖天子之澤民皆秉耒士敦詩書向
之憑恃險阻者消歸無有於戲
盛矣然距海城二百里層巒疊
嶂兀然天險大寶仲坑雙髻諸
山出產銀鉛礦徒聚伏百弊萌
生其界於揭陽大埔嘉應犬牙

相錯者各州縣又每以鞭長不
及為憾前

制憲鄂公巡邊見之乾隆三年請
割四州縣地建立新邑

廷議允准

天子錫今名設官司牧復發帑金造

城垣築關隘備兵汛建學宮積
倉粟置先農社稷及忠義節孝
等祠蓋所以保衛而教養之者
如此其至越五年癸亥十二月
余自香山赴涖斯土

院憲諄諄勉諭以豐治初開規制

未定人心未洽其必實心安輯
之余奉命抵任民風土宜苦無
舊籍可考一切工程惟縣署倉
庫粗定而已餘皆未建涖民之
餘即鳩工庀材次第興築閱二
載各工始竣而余亦將調任以

去然余於此益憂舊籍之無徵
而有不得辭者縣必有志所以
重民事也無志則疆輿何以考
建置何以稽賦役職官選舉人
物及民俗醇漓人文優劣舉無
可核是欲治民而無其資即夙

夜勤勞而因地因人之不講其
何以宣德意而奏治理况豐岩
邑也治又新造百度甫創民志
未同尤不可不急為表彰以備
採擇余不文勿勝厥任顧承乏
茲邑亦有年矣曩者工程竭蹶

且到任日淺不及周知今荷

皇仁德威廣播四境寧謐聽治之暇
采攬日多適又奉調新寧豐志
之纂尚可諉為異日事乎由是
別其封域考其典章察其民物
取海揭嘉大四州縣原志擇其

地與人與事之今隸豐順者彙
而輯焉益以年來巡阡度陌訪
之故老得之遺文隨時隨處之
所見聞者薈萃而為一編寧質
毋華寧簡毋濫疑者闕之信者
錄之訛者正之駁者釐之肇自

乙丑十月迄丙寅二月而後成
析為八卷用付剞劂敢曰豐事
已悉備哉亦聊志其大畧以俟
後之勤恤民隱者詳審焉以實
措諸民而併冀我豐之人識法
制度數之有準也共安畊鑿共

樂詩歌俾風之醇者日益醇俗
之懋者日益懋盡去其桀鰲故
習以副一道同風之治庶幾
聖天子設縣建官之盛德常被於億
萬斯年而守土者亦與有榮施
也是又余之所日望焉而欲其

必得者已時

乾隆十一年丙寅閏三月朔

賜進士出身知豐順縣事今調新寧
縣知縣禹航葛曙自識於邑署
之抱山堂



序

鶴背

丙寅春葛君將去豐順手一編示
余曰此草定豐邑新志願就正兼
得一言爲序夫余言胡足重顧余
之知葛君匪朝伊夕矣葛君爲人
篤實制事發議動皆真摯不肯隨

豐順縣志

唐序

一

衆附和前署新興余適在鶴山及
署香山余又在新安皆同郡也癸
亥冬補授潮之豐順余後亦奉調
海陽豐與海爲鄰海又附郡嘗以
公事來時得與見其以實心行實
事者蓋始終如一日方其蒞豐也

豐固巖邑僻介萬山爲奸盜藪乾
隆二年割嘉應揭陽海陽大埔四
州縣地設縣治一切城垣關隘營
汛壇祠等制尚需創建規模未備
人心未洽葛君勵精圖治察人情
相土俗害去其太甚治先其至急

政教大行民和年豐而又鳩工庀
材舉六七載未竣之工告成一旦
以故政聲遠邇流播上信而下安
大憲廉其賢薦調劇邑以去余慕葛
君之治且聞豐地多山水具層巒
疊澗之勝陷隍有宋陳公堯佐捕

鱣遺跡焉以不得至其地一寄覽
爲闕事適奉

憲檄委勘豐邑工程入其境土物蕃
滋考其風民俗康阜城墉堅且固
也學校整且肅也其諸壇壝武營
關隘各完備如制都人士交相謂

曰豐素荒僻比年來室廬加聚田
疇加闢貨物加充皆我侯德政之
所致也余不知其追踪古人何如
深喜聞見相符不置夫士人讀書
稽古幸博一第仰荷

聖天子簡擢出宰一方凡職分所得爲

者何一不當爲葛君治豐二年教
養兼成大小畢舉固已能人之所
不能乃猶於臨民之暇出其餘力
考嘉海揭埔之舊乘叅鄉賢耆老
之定評事必核實文必雅馴闕疑
傳信創成是編爲斯邑紹將湮之

典發潛德之光立不朽之型開作
新之緒其有功于豐民者良非淺
鮮豈第山川古蹟之可玩已哉竊
聞僚友之義闕則補之失則正之
有善則觀摩而砥礪之余知葛君
久親見其行事卓卓可爲良吏法

能無一言以堅其自信之心而併
以勗余之所不逮也乎遂不辭而
爲之序

皆

乾隆十一年歲次丙寅閏三月望
知海陽縣事年家眷同學寅弟下

豐順縣志

唐序

五

邽唐若時拜譔



序

余以乾隆乙丑六月除授豐邑邑
故新設年牒諸君有歷仕嶺表游
陟京曹者恒語余曰豐卽海揭地
也其俗健訟難治始則濱於海濱
今則介在山陬矣余不識其何謂

豐順縣志

江序

一

而心竊疑之嗣又訪於粵潮之仕
宦及商旅都門者或曰豐屬與嘉
應接在軍門嶺外或又曰是與大
埔連界宜在饒平鳳凰山下言人
人殊余益疑之丙歲首春假道吳
越渡彭蠡湖溯章江牽輓而上榜

人咸相屬曰是須過大庾登羅浮而東不一月而抵其境矣或又謂從軍門嶺而南頂背若相望然何紆途爲或者又曰殆不若由隘嶺下長汀走峰市達石上順流而駛再渡三河埧二日程周遭萬山中

有所謂豐順者在焉某未之至也余聞其說益愴怳久之戒僕夫曰且行矣岐之中有岐將安從於是竟抵三河沿江而下一夕至溜隍汎天迨曉從人走相告曰是果豐順矣遲之又久僅屯練偕數耆民

來舟前相迓如故事且相告曰不
虞公之涉斯土也縣治東行九十
里在叢山中此水下達潮郡百二
十里上起黃竹車下竟葛屯咸隸
豐轄此外無舟楫可通祇接吏胥
例往惠嘉要隘處所盼公來且久

不謂道相左如是也爰是度書篋
命筍輿入潘田鄉踰東關嶺直達
縣治視其山川則嶺鬱蟠而谿邃
折也觀其原隰則田确磧而土墳
錯也覽其村屯則戶畸雜而民愿
樸也向之疑且慮者一旦渙然釋

矣雖然猶有慮方今

聖天子端共作人

各上憲廉明屬山陬海隅莫不延
領待澤有司承乏斯土開創未久
塗軌曷從捫籥而識之寧不慮其
覆乃餗乎况地處四衝南卽揭陽

之版圖北仍大埔之舊壤嘉應割
其西偏海陽占其東壁一邑而四
境備焉向之所謂民以訐訟爲能
者非卽其俗敦彪而風異尚之所
致歟如是則誠稱難治居無何以
其說質諸前事以賢幹調新寧之

葛公公所然相謂曰是無難余旣
手輯志如千卷將付剞劂疆輿在
是賦役戶口在是風俗沿革亦在
是君舉而措之并將爲我序之可
矣余謝不敏卒受而讀之見其鉅
細末遺張弛畢具較如列眉瞭如

指掌不禁喟然歎曰此公輸之矩
而越裳氏之車也展而行之罔有
攸斃且不惟其難而惟其易何怪
乎公之宰豐民吏浹和百廢具舉
不三載而風流政成首先報最以
去如此其易易也公不獨良吏才

且良史才矣於以昭垂久遠嘉惠
後賢其功豈鮮淺哉公行有日矣
是書也將以爲棠之貽而余謬參
臆說於其間請卽以爲驪之唱也
可乎公曰可遂不獲辭而弁其言
於首

峕

乾隆十一年歲次丙寅閏三月下
浣知豐順縣事家眷同學寅弟
新安江廷隆頓首拜撰



序



天下事不難於因而難於
創蓋因者仍其舊而損
益之創者從乎新而始
基之也若建土系疆尤事

豐順縣志

序

之大者也土田於此廣國
用於此饒人心于此安民
命於此定由是而庶焉
由是而富焉由是而教
焉無不基於其始矣焉

為之始者一無成規可紀
公後來者何所考証以
循此雖彈丸之地亦免有
所以無異于一州一郡一
省之規模足以備

朝廷之采風而問俗此其事
顧不難哉雖然亦視主人
之賢否寸寸長短何如耳
維新豐順邑咸新設僻
爰萬山道通嘉應揭大原

隸海陽距縣將二百里寇
竊潛湊頗為海邑累乾隆
三年前院憲題請分割海
揭大嘉四州縣地另成一
部覆准行工限二年告竣

奈山僻不通水道工料
運維艱匠工募之他縣
是以七年四月興工前
令僅造竣孫署倉廩兵
神宇甚矣創始之難也

八年十二月葛君蒞任斯
土吏治閑而政教洽勞之
先之趨事赴公者惟恐或
後閱二年凡學宮城垣闕
口武員衙署一切壇祠俱

先後落成十一年正月報
申工竣是可不謂難歟然
吾則猶不以此為善君難
也難其于多工告竣之日
而豐順縣志亦隨以告成

美善君不獨長于政事其
文學尤所素優者焉故於
治事策工之暇早取郡縣
各志稽其舊隸按其新分
參考而詳訂之如山川風

豐順縣志

序

五

土人民田疇圖版之屬凡
志之所應載者固已無或
省遺漏更採訪邑中矜耆
之確聞灼見者聞風化者
悉分條備載以補名原志

所未遠先是斯邑山陬未
有城郭或稱都稱堡稱鎮
稱營不一居民邇為窳遠
星教其間懿行碩德孝
忠良多湮沒不彰有君子

此尤如素菟羅博訪纂輯
成書為化民勸俗之助是
所難者不又在此不立彼歟
書曰建官惟賢任事惟能
吾于焉其深欣慕焉今而

後不必論夫事之因與創
但察其人之賢與才而天
下可無難事乎方期其由
聚而庶由庶而富漸油之
然引吾民共入於教化之中

以助

聖明之邇治樹循績于麀壻正
不足為葛君難也迺官聲振
起調劇新寧從此澤滋鄰
境益著賢才誠莫量其所及

淑行携所纂豐順孫志尚序
于予乙為之序其實而識
其難益以異後來者閱其志
將思更進于所尤難斯為
難也之厚幸抑即予之

厚幸也夫


省

乾隆拾壹年歲次丙寅天

中月上澣

特簡潮州府知府加三級紀錄

四次金陵許龍章撰並書



豐順縣志

序

九

叙



邑志一書所以載一邑
之事蹟以備觀覽也
故久而創繼而修久而
殊缺亦必彌縫補綴

豐順縣志

序

一

溯臺順自乾隆三年始
開邑治曩日之制作井
然瞭如指掌迄今有
百餘年雖有中不覺
異同廢弛而宏章舊

制具有可徵余於至
成獲奉檄署理財
篆殷以振勵維持為
念焉下車伊始思
披索志書以明公所

從事乃據報青白以
志疎廢日久幾莫全
冊形印傳聞且自而依
據靡從嗣於公暇檢
原板且湮漉全書存其

有腐漏蟲蝕而偏存
者殆逾乎半因為之悟
往曰志者誌也邑之有
志猶國之有史如今已
志矣其誌勢必典刑士

冬墜不惟負前人善創
遺素轉恐後日君矣廬
山之真夫以廢必真因
守土者之責而舊章
猶在右都人士之先爰

捐鶴俸鳩工翻刻依舊
譜而釐定之計殊缺而
填補之類輯零星統
歸全歷俾後之人庶不
致有望洋之嘆焉是

工始竣聊綴數語附諸簡
端以形相守而勿替云

同治四年乙丑仲夏署臺
順縣知事海昌查侃謹識



凡例

一豐順設自乾隆三年戊午距丙寅春纔七載有奇時事絕少屬丙山川人物大半皆未設縣以前海揭嘉大原志所有然不敢妄有附會必援據周詳方爲載入

一分割之海陽豐政全都揭陽藍田都九十兩圖及羅家約疆宇遼濶紀事較多嘉應之萬安都三圖事已差減至大埔白芒峯等處地處一隅戶僅滿百尤寥寥焉多不敢減少不敢溢悉從其實

豐順縣志

卷首 凡例

一邑處萬山至爲荒僻四州縣原志概從簡畧今縣治甫開百凡草創是以往多難稽近鮮足紀謹緝其畧爲綱八目三十有七其事之相屬者附於後各以類從例不門分

一志首輿圖使覽者於全邑形勢如身歷其境若學校若公署若城垣若關隘若山川名勝俱關邑中緊要一一繪之披卷了然

一新設之邑富之教之闕一不可故凡邑屬所有版圖規制人情土俗必備載以資參考

一邑志必緊切本邑事方不冗濫我

朝聖謨洋洋不特廣勵學宮抑且家箴戶誦無庸復贅至
從祀諸賢以及祭典品物器具樂章禮儀等制俱係
通行直省何可私諸一邑茲不泛述

一邑多險阻明季山寇嘯伏今固治平日久而思患豫
防不可不密特於山川險要詳揭之以示守禦所宜
一兵以衛民民以養兵兩相和輯而後地方實受其福
茲邑營制非不詳盡第新撥之兵未經咨定余更爲
立議詳請未知當否附質諸高明

豐順縣志

卷首 凡例

二

一風會以漸而開邑素樸野在昔文獻流傳無幾苟核
其實不敢或遺以爲來者勸

一志非其地者勿登卽其地之所出而無關利弊不垂
勸懲者勿庸取精於多徵信於實非易易事以余之
愚且又竭蹶工程歲無寧日何敢言志不過爲斯邑
紀其大畧以俟後之君子

豐順縣志目錄

知豐順縣事禹航葛曙生洲父纂

卷首

凡例 圖

卷之一

疆輿志

卷之二

建置志

卷之三

豐順縣志

卷首 目錄

賦役志

卷之四

職官志

卷之五

選舉志

卷之六

人物志

卷之七

風土志

卷之八

藝文志

豐順縣志

卷首 目錄

豐順縣志



卷之一 縣總圖

豐



圖



學宮圖





縣署圖



豐順縣志

卷之一 縣署圖

五



關上嶺圖



言嶺關圖



豐順縣志

卷之一

言嶺關圖

六

豐溪春漲




龍山秋月




古榕夕照




淨水遠鐘




韓嶼籠雲



銀瓶霽雪



古寺溪桃



揭嶺飛泉



豐順縣志

卷之八景

